

# STJÓRNARTÍÐINDI B 6 — 1983

28. febrúar 1983

113

Nr. 66

## REGLUGERÐ

um breyting á reglugerð nr. 467 23. ágúst 1982 um sérstakt tímabundið vörugjald,  
sbr. reglugerð nr. 540 10. september 1982 um breyting á henni.

1. gr.

a) Eftirtalin tollskrárnúmer falli brott úr A-lið 2. gr. reglugerðarinnar:

07.05.00	18.06.02	21.04.09
16.03.00	18.06.03	21.05.11
17.01.23	19.02.01	21.05.19
17.01.24	19.02.02	21.05.21
17.01.27	20.02.01	21.06.01
17.01.29	21.02.11	21.06.02
17.02.04	21.02.19	21.07.01
17.04.02	21.02.20	21.07.02
18.05.01	21.03.00	33.04.01
18.05.09	21.04.01	33.04.03
18.06.01	21.04.02	33.04.09

b) Vörur í eftirtöldum tollskrárnúmerum í gjaldflokk A í 2. gr. reglugerðarinnar færast í gjaldflokk B: 19.07.01, 19.07.02, 19.07.09, 19.08.01, 19.08.02, 19.08.03, 19.08.04 og 19.08.09.

2. gr.

2. mgr. 7. gr. reglugerðarinnar orðist svo:

Sé almenn verðlagning framleiðanda miðuð við heildsöluverð er honum heimilt í stað útreiknings sérstaks vörugjalds skv. 1. mgr. að reikna sérstakt vörugjald, 24% og 30% skv. 2. gr. á 80% heildsöluverðsins að viðbættu gjaldi samkvæmt ákvæðum laga nr. 77/1980 um vörugjald, sbr. 1. mgr. 3. gr. laga nr. 12/1981. Svarar það til 19,2% og 24% af heildsöluverði að viðbættu gjaldi samkvæmt ákvæðum laga nr. 77/1980 um vörugjald, sbr. 1. mgr. laga nr. 12/1981, en án nokkurs frádráttar á kostnaði, svo sem umbods- og sölulaunum, afsláttar vegna dreifingar eða öðrum gjöldum. Vegna álagningar hins sérstaka vörugjalds, 32% og 40%, til 28. febrúar 1983, sbr. 2. gr. svarar það með sama hætti til 25,6% og 32% af heildsöluverði.

3. gr.

Af vörum, sem um ræðir í b-lið 1. gr. og með leyfi tollyfirvalda hafa verið afhentar innflytjendum fyrir 1. mars 1983 gegn tryggingu fyrir greiðslu aðflutningsgjalda, sbr. m.a. 21. gr. tollskrárlaga, skal greiða vörugjald, sem samkvæmt ákvæðum 1. gr. þessarar reglugerðar gildir frá og með 1. mars 1983, nema fullnaðartollafgreiðsla þeirra eigi sér stað fyrir apríllök 1983.

Hafi innflytjandi fyrir 1. mars 1983 afhent til tollmeðferðar aðflutningsskjöl yfir vöru sem um ræðir í b. lið 1. gr. sem að öllu leyti fullnægja þeim skilyrðum sem þurfa að vera fyrir hendi til þess að hægt sé að tollafgreiða viðkomandi vöru þegar í stað, skal varan tollafgreidd

B 15

gegn greiðslu þess sérstaka vörugjalds sem gildir til og með 1. mars 1983 en þó því aðeins að tollafgreiðslu sé lokið fyrir 8. mars 1983.

## 4. gr.

Vegna breytinga þeirra sem um ræðir í 2. gr. reglugerðar þessarar skulu framteljendur skila tveimur skýrslum um sérstakt vörugjald vegna tímabilsins 1. janúar til og með 31. mars 1983, annarri fyrir sölu vörugjaldsskyldrar innlendirar framleiðslu á tímabilinu 1. janúar til 28. febrúar 1983 en hinni fyrir marsmánuð 1983.

Skattyfirvöld geta krafist hvers konar upplýsinga af vörugjaldsskyldum aðilum um skiptingu viðskipta milli þessara tveggja tímabila, þar á meðal upplýsinga um dreifingu viðskipta eftir árstíma á þessu og fyrri árum.

## 5. gr.

Reglugerð þessi sem sett er samkvæmt heimild í 5. gr. laga nr. 107 30. desember 1978 um sérstakt tímabundið vörugjald með síðari breytingum gildir frá og með 1. mars 1983.

*Fjármálaráðuneytið, 28. febrúar 1983.*

**Ragnar Arnalds.**

Höskuldur Jónsson.

**REGLUGERÐ**

**um breyting á reglugerð nr. 634 30. desember 1980 um vörugjald, sbr. reglugerð nr. 234 30. apríl 1981, nr. 244 8. maí 1981 og nr. 468 23. ágúst 1982 um breyting á henni.**

## 1. gr.

2. mgr. 6. gr. reglugerðarinnar verði tvær málsgreinar er orðist svo:

Sé almenn verðlagning framleiðenda miðuð við heildsöluverð er honum heimilt í stað útreiknings vörugjaldsins skv. 1. mgr. að reikna vörugjald 7% og 17%, sbr. 1. gr., á 80% heildsöluverðsins. Svarar það til 5,6% og 13,6% af heildsöluverðinu án nokkurs frádráttar á kostnaði, svo sem umboðs- og sölulaunum, afslætti vegna dreifingar eða öðrum gjöldum.

Þegar selt er með söluskatti reiknast gjaldið á vöruverð án söluskatts en vörugjald myndar stofn til sérstaks tímabundins vörugjalds og söluskatts.

## 2. gr.

Reglugerð þessi er sett samkvæmt heimild í 6. gr. laga nr. 77 23. desember 1980 með síðari breytingum og gildir frá og með 1. mars 1983.

*Fjármálaráðuneytið, 28. febrúar 1983.*

**Ragnar Arnalds.**

Höskuldur Jónsson.